

كلمة افتتاح حفل تخريج طلاب الدبلوم الجامعي في المحتوى الرقمي العربي معهد الآداب الشرقية - جامعة القديس يوسف في بيروت

أهلاً وسهلاً فيكن بجامعة القديس يوسف، بمعهد الآداب الشرقية،
عم نجتمع اليوم لنحتفل بنجاح الطلاب، أصرينا إنو نحتفل برغم كل الصعوبات، أوقات الفرح
صارت قليلة بالظروف الي عايشنها، لكن النجاح دايماً بيستحق إنو نفرح ونحتفل فيه.
"الدبلوم الجامعي في المحتوى الرقمي العربي" من سنة ٢٠١٨ بلش التحضير والشغل على
إعداد الدبلوم اللي كتار كانوا يسألوا شو يعني "محتوى عربي"، ولد الدبلوم وبلشنا بالدروس،
(وهون بحب إشكر ريس الجامعة الأب الرئيس البروفسور دكاش، والأب المدير البروفسور
صلاح أبو جودة ع الدعم والثقة) بداية بلشنا حضورياً مثل ما كانت كل الدروس، ومع
الظروف اللي استجدت، عملنا إعادة صياغة للدبلوم حتى يصير يتدرس عن بُعد.
تحديات كتيري مرقت على الإدارة وع الطلاب، كان في أسباب كتيري بتخلينا نوقف ونتراجع،
بس تأقلمنا وشدينا عزيمة وكملنا مثل غيرنا بالجامعة وبالبلد.
الطلاب والاساتذة برهنوا عن التزام كبير، كان في صعوبة بتأمين الكهرباء والانترنت حتى انو
مرات كان بعض لطلاب يضطر يكفي الصف ع التلفزيون، او يروح ع مقهى في انترنت حتى
يقدر يكمل.

كل التهاني للطلاب اللي اختاروا هالتخصص ودرسوا ونجحوا، خصوصي إنن عرفوا أهمية
المحتوى الرقمي وإنو رح يشكل جزء مهم من المستقبل المهني... للطلاب بقلن مبروك
نجاحكن ومسؤوليتكن كبيرة، وأنتو هلق صرتوا جزء من علية معهد الآداب الشرقية ومن
جامعة القديس يوسف.

التهاني للطلاب الحاضرين والمسافرين وعم يتابعوا الاحتفال عبر صفحة المعه والجامعة عبر
فايسبوك: راية العلم، أنطوان حمصي، نور الفنصل، محمد مكيس، ومحمد شاتيل.

قبل ما نتابع احتفالنا بحب اشكر كل اللي تعبوا ليحضروا الاحتفال وأولن دائرة المطبوعات
والتواصل وأكد الزميلة العزيزة السيدة بامبلا الأشقر.